

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- केन्द्री गृहमंत्री अमति शाह होरें आखेआ ऐ जे 26/11 आले मुंबई आतंकी हमले दे आरोपी तहव्वुर राणा गी भारत आहन्नना मोदी सरकार दी इक बड्डी कूटनीतिक उपलब्धि ऐ।
- मुख्मंत्री उमर अब्दुल्ला होरें आखेआ ऐ जे जम्मू कश्मीर च कोइ बी सरकार आतंकवाद गी बर्दाश्त करदे रौहने दे हक्कै च नेई ही।
- दिल्ली च आयोजित स्टार्टअप महाकुंभ 2025 च जम्मू कश्मीर दे स्टार्टअप्स छाए दे रेह, 25 लक्ख रुपे दा नकद इनाम बी जित्तेआ।
- रेल मंत्रालय दा आखना ऐ जे चनाब रेल पुल जम्मू कश्मीर च तरक्की बाद्धे दे इक नमें दौर दी शुरूआत साबत होग।

<><><><><><>

Shah-MTA

केन्द्रीय गृहमंत्री अमित शाह होरें आखेआ जे 2008 दे मुंबई आतंकी हमले दे आरोपी तहव्वुर राणा गी भारत आहन्नना मोदी सरकार दा इक बड़ी बड्डी कूटनीतिक जित्त ऐ। उनें आखेआ जे भारत दे लोकें कन्नै कुसै बी चाल्ली दा गलत बर्ताव करने आले इक-इक दोशी गी भारत आंदा जाग ते एह भारत सरकार दी जिम्मेदारी ऐ। इक प्राइवेट टी.वी चैनल कन्नै गल्लबात दरान अमित शाह होरें आखेआ जे मुख्मे लेई एह इक बड्डी उपलब्धि ऐ जे राणा पर मुकदमा भारतीय अदालत च चलोग। अमित शाह हुंदा एह ब्यान उनें खबरें दे चलदे आया ऐ जे राण गी अमरीका थमां इक विशेष जहाजै राएं भारत आहन्नेआ जा'रदा ऐ ते अज्ज बडलै ओह भारत पुज्जने दी मेद ऐ। गृहमंत्री होरें कांग्रेसी नेता राहुल गांधी हुंदी नागरिकता तरमीमी बिल गी लेइयै झूझा प्रचार करने लेई नुख्ताचीनी बी कीती।

<><><><><><>

CM-Terrorism

मुख्मंत्री उमर अब्दुल्ला होरें आखेआ ते आतंकवाद गी भलेया खत्म करने लेई आम लोकें दा सैहयोग बड़ा जरूरी ऐ। उनें इब्बी आखेआ जे 2014 च जम्मू कश्मीर च आतंकवाद अपने सब्बने शा हेठली सतह पर हा, जानी सब्बने शा घट्ट हा।

कल जम्मू कश्मीर विधानसभा दे बजट इजलास दे खीरी रोज मीडिया कन्ने गल्ल करदे होई मुखमंत्री होरें आखेआ जे हर सरकार नै आतंकवाद गी दना बर्दाश्त नेई करने दा गै रौंह अपनाया, कुसै नै आतंकवाद गी कदे बरदाश्त करने दी गल्ल नेई आखी ते घट्टोघट्ट नैशनल कांफ्रेंस ते कांग्रेस दी सरकार जेहदा ओ आपूं बी हिस्सा हे नै तां कदे बी आतंकवाद गी बर्दाश्त करने दी हिमायत नेई कीती। उनें आखेआ जे उंदा मन्नना ऐ जे जम्मू कश्मीर गी परतियै 2014 दे उस दौर च लेई जाना लोड़चदा जदूं ओ मुखमंत्री हे ते उनें अपना कार्यकाल पूरा कीता हा, एह आखदे होई जे उसलै पूरा जम्मू कश्मीर आतंकवाद कोला पूरी चाल्ली ग्रस्त हा छड़ा 2 ढाई जिलें गी छोड़ियै। मुखमंत्री होरें आखेआ जे ओ जम्मू कश्मीर गी परतियै रियासत दा दर्जा दोआने दे अपने जतन उपरोतली जारी रखन। मुखमंत्री होरें एह सारी गल्ल मीडिया गी संबोधत करदे होई उसलै आखी जिसलै उनेंगी गृहमंत्री हुदे दौरे बारे पुच्छेआ गेआ, जिस दरान अमित शाह होरें सुरक्षा अजेंसिएं गी आतंकवाद गी दना बर्दाश्त नेई करने आला रौंह अपनाने लेई आखेआ हा।

<><><><><><>

CS-PMGSY-IV

ग्रामीण ढांचागत विकास दे बाढ़े आली भेठा इक फैसलाकुन कदम पुट्टदे होई संघ शासत प्रदेश सतह दी स्टैंडिंग कमेटी यूटीएलएससी दी कल मुख सचिव अटल डुल्लू हुंदी अध्यक्षता च इक बैठक लग्गी ह ते इस दरान प्रधानमंत्री ग्राम सड़क योजना दे चौथे मरहले लेई महत्वे आली तज्जीजें दा जायजा लेइयै उनेंगी मंजूरी दित्ती गेई। मुख सचिव होरें इस स्कीम दा इस्तेमाल करियै यूटी दे नेह ग्रामीण इलाकें च हर मौसम च खुल्ली रौहने आलिए सड़कें दा निर्माण करने लेई आखेआ। उनें आखेआ जे विभाग गी चाहिदा जे ओह उनें सड़कें दे निर्माण गी तौले शाा तौले मंजूर करै जिंदा सर्वे मुकम्मल होइ चुके दा ऐ। डुल्लू होरें व्यापक नमीं राबता प्राथमिकता फेहरिस्त सीएनसीपीएल मताबक इनें परियोजनाएं गी पैहल दी बिनाह पर शुरू करने लेई आखेआ तां जे केन्द्री सरकार बी तौले शा तौले इसी मंजूर करी देयै। उनें आखेआ जे इस महत्वे आली स्कीम तैहत दूर दरेड़े इलाकें दे खीरी मील मगर राबता बनना चाहिदा।

<><><><><><>

HADP Ramban

रामबन जिले च बागवानी दा क्षेत्र हॉल फुल्ला फला करदा एणे ते केन्द्र शासत प्रदेश लेई आर्थिक विकास दी बत्त दस्सने आला इक प्रमुख केन्द्र बने करदा ऐ। मैहकमा बागवानी जिले च फलें दी पैदावार बधाने दी भेठा खरा मता ध्यान देआरदा ऐ। साढ़े जिला संवाददाता अजयदीप सिंह कन्ने गल्ल करदे होई रामबन क्षेत्र दे मार्किटिंग अफसर तहसीन इकबाल होरें आखेआ.....

<><><><><><>

IEC-Drug Abuse

लोकें अंदर नशाखोरी दे माड़े असर ते एह्दे कोला बचने बारे जागरूकता फैलाने दे मकसद कन्नै जम्मू जिला प्रशासन आस्सेआ कल तवि मैहल उदयवाला च इक जागरूकता कार्यक्रम दा सरिस्ता कीता गेआ जेह्दे च सैंकड़ा बद्धे लोकें हिस्सा लैता। जिला विकास कमीशनर सचिन कुमार वैश्य हुंदे निर्देश तैह्त् ते एडीसी अनुसूया हुंदी दिक्ख-रिक्ख च लोआए गेदे इस कार्यक्रम च मकामी लोके, साबका पार्षद, साबका सरपंच, सरकारी अफसर ते सिविल समाज दे लोक बी शामिल होए। इस मौके माहिरें लोकें गी जानकारी दित्ती जे समाज गी ते टकोह्दा करियै नोजवान पीढ़ी गी तबाह् करा'रदी नशाखोरी गी किस चाल्ली समाज चा खत्म कीता जाई सकदा ऐ। इस मौके सूचना विभाग दी तरफा इक रंगारंग सांस्कृतिक कार्यक्रम बी पेश कीता गेआ।

<><><><><><>

Startup

नमीं दिल्ली च आयोजित स्टार्टअप महाकुंभ 2025 च जम्मू कश्मीर दे स्टार्टअप्स नै अपनी शानदार मजूदगी दर्ज कराइयै जम्मू कश्मीर सरकार दिएं स्टार्टअप्स गी बढ़ावा देने दिएं कोशतें गी प्रमुखता कन्नै उजागर कीता ऐ। जम्मू कश्मीर दे दऊं स्टार्टअप्स मेसर्स जेनेटिको प्राइवेट लिमिटेड ते मेसर्स जी.आर.एण्ट प्राइवेट लिमिटेड नै जीआर-8 स्टार्ट अप महारथी आले मकाबले चअव्वल थाहर हासल कीता ऐ। इनें दौनें स्टार्टअप्स गी सेह्त् ते जैव टेक्नालोजी आली स्पर्धा च 20 लक्ख रपे ते जी.आर.एण्ट गी "गेमिंग ते जीआर-8 स्पोर्ट्स श्रेणी च 5 लक्ख रपे दी रकम इनाम दे तौरा दित्ती गई। ध्यानजोग ऐ जे उद्योगें ते घरेलू उद्योग गी बढ़ावा देने सरबंधी मैह्कमे आस्सेआ दिल्ली दे भारत मंडपम च स्टार्टअप महाकुंभ दा सरिस्ता कीता गेदा हा। कल एह्दे समापन समारोह दरान बेह्तर कारकरदगी दस्सने आलें गी सम्मानित कीता गेआ।

<><><><><><>

Chenab Rail Bridge

प्रतिष्ठित चनाब रेल पुल छड़ा दऊं पहाड़ें गी गै आपें-चे नेई जोड़दा, एह् जोड़दा ऐ सुखनें गी विकास गी ते जम्मू कश्मीर च इक नमें युग गी। रेल मंत्रालय नै प्रधानमंत्री नरेन्द्र मोदी हुंदे आस्सेआ औंदी 19 अप्रैल गी इस प्रतिष्ठित पुल दे उद्घाटन दे पैहले इआं आखेआ। प्रधानमंत्री मोदी जम्मू-श्रीनगर जाने आली वंदे भारत रेल गी झंडी दस्सियै रवाना करगंन, जेह्दे नै 272 किलोमीटर लम्मे उधमपुर-श्रीनगर-बारामुला रेल राबता दे मुकम्मल होने दा संकेत थ्होआ ऐ। एह् प्रतिष्ठित पुल 467 मीटर लम्मा ऐ जेह्ड़ा 266 किलोमीटर फही घैंटे दे स्हाबै चला'रदी ब्हाऊ गी बर्दाश्त करी सकदा ऐ। मंत्रालय नै दावा बन्नेआ जे एह् पुल दुनिया ते सब्बने शा उच्चा पुल ऐ जेह्ड़ा दरेया दी सतह् थमां 359 मीटर दी उंचाई पर बनाया गेदा ऐ।

<><><><><><>

CS-NEET

मुख्य सचिव अटल डुल्लू होरें कल संघ शासम प्रदेश जम्मू कश्मीर दे बक्ख-बक्ख जिलें च नीट(यूजी) 2025 मतेयानें गी बेहतर ढंगै नै करोआने लेई कीती जा'रदिएं तैआरिएं दा जायजा लैने लेई कल उच्ची सतह दी बैठक दी अध्यक्षता कीती। मुख्य सचिव होरें इस राष्ट्रीय सतह दे प्रतिष्ठित मतेयानें गी पूरे पेशेवराना ते पारदर्शी तरीके नै तोड़ चाढ़ने लेई राष्ट्रीय परीक्षा अर्जेसी-एनटीए ते सिविल प्रशासन बश्कार पूरे तालमेल पर जोर पाया। उनें सब्बने डिप्टी कमीशनरें गी ताकीद कीती जे ओह तैहशुदा मतेयानी केन्द्रें च आपु जाइयै जमीनी सतह पर लोड़दिएं सहूलतें ते जरूरतें दा पता लान। उनें इत्त सरबंधे च एनटीए दे शैहरें दे कोआर्डिनेटरें कन्नै नेड़मा तालमेल बनाई रखने लेई बी आखेआ तां जे सब्बने जरूरी सहूलतें दी उपलब्धता जकीनी कीती जाई सकै। उनें दौनें डिवीजनल कमीशनरें गी हर मतेयानी केन्द्रें च ड्यूटी मैजिस्ट्रेट ते पुलस कर्मी तैनात करने दे निर्देश दित्ते तां जे सुरक्षा ते प्रशासनिक नजरसानी पूरी चाल्ली जकीनी कीती जाई सकै। मुख्य सचिव होरें आखेआ जे इक मतेयानें दे प्रबंधें दा पूरी पराती निगरानी स्कूली शिक्षा विभाग दे अतिरिक्त मुख्य सचिव करगंन।

<><><><><><>

LG-Greetings

उपराज्यपाल मनोज सिन्हा होरें महावीर जयंति दे पवित्र मौके पर लोकें गी मुबारकबाद ते शुभकामनां दित्तियां न। अपने इक सनेए च उपराज्यपाल होरें आखेआ भगवान महावीर हुदियां इहिंसा प्रेम, सच्चाई ते अमन शांति आलियां शिक्षा अज्ज बबी एन्नियां गै प्रासांगिक न ते असेंगी खुशी ते संदोख दी बत्ता पांदियां न। उनें आखेआ आओ सब्बै अज्जै दे दिन अहिंसा, सच्चाई ते अमन शांति, समोध ते मानव कल्याण आली बत्ता टुरने दा प्रण पाच्वै। अज्ज पुरे मुल्खै च महावीर जयंति पूरे जोश ते जज्बे कन्नै मनाई जा'रदी ऐ।

<><><><><><>

Dy.CM Greetings

उपमुख्यमंत्री सुरिन्दर चौधरी होरें महावीर जयंति दे पावन मौके पर लोकें गी शुभकामनां भेंट कीतियां न। अपने इक सनेए च उनें आखेआ भगवान महावीर हुदियां शिक्षा दुनिया भरै च लोकें गी प्रेरितकरदियां आइयां न। उनें सत्य अहिंसा दी बत्ता पर टुरने दा बआह्वान करदे होई अपने आपै गै शांति, समोध, भाईचारे ते इक दुए गी बनकदा मान देने लेई आखेआ। उनें आखेआ भगवान महावीर हुंदियां शिक्षा अज्जै दे दौर च सब्बने शा मतियां प्रौद्योगिक न।

<><><><><><>